



Broj: 05/03-19-20702-86/20  
Sarajevo, 09.07.2020. godine

**KANTON SARAJEVO**  
**SKUPŠTINA KANTONA SARAJEVO**  
**N/r Predsjedavajućeg**

PREDMET: Odgovor na zastupničko pitanje zastupnice Neire Dizdarević – dostavlja se

Na 26. Radnoj sjednici Skupštine Kantona Sarajevo, održanoj dana 16.06.2020. godine, u okviru tačke dnevnog reda „Zastupnička pitanja, inicijative i odgovori“, zastupnica Neira Dizdarević postavila zastupničko pitanje koje glasi:

“Molim Ministarstvo prostornog uređenja, građenja i zaštite okoliša da mi dostavi kopije svih podzakonskih akata iz oblasti upraviteljstva koje je Ministarstvo donijelo u 2019. i 2020. godini, uz molbu da ih ujedno objavi na zvaničnoj web stranici.”

ODGOVOR:

Ministarstvo prostornog uređenja, građenja i zaštite okoliša Kantona Sarajevo je u 2019. godinu, od podzakonskih akata iz oblasti upraviteljstva, donijelo Pravilnik o izmjenama i dopunama Pravilnika o određivanju prinudnog predstavnika etažnih vlasnika, koji Vam dostavljamo u prilogu odgovora (PRILOG 1).

U 2020. godini Ministarstvo nije donosilo podzakonske akte iz oblasti upraviteljstva.

Navedeni Pravilnik o izmjenama i dopunama Pravilnika o određivanju prinudnog predstavnika etažnih vlasnika (“Službene novine Kantona Sarajevo” broj 47/19) objavljen je na zvaničnoj web stranici Ministarstva.

DOSTAVITI:

1. Predsjedavajući Skupštine Kantona Sarajevo
2. Služba za skupštinske poslove
3. Stručna služba Vlade Kantona Sarajevo
4. Evidencija
5. a/a

**MINISTAR**

**Faruk Kapidžić, dipl.ing.arh**



**Ministarstvo prostornog uređenja, građenja i zaštite  
okoliša**

Na osnovu člana 55. Zakona o upravljanju zajedničkim dijelovima zgrade ("Službene novine Kantona Sarajevo", br. 19/17 i 17/18 - Ispravka), ministar prostornog uređenja, građenja i zaštite okoliša Kantona Sarajevo donosi

**PRAVILNIK****O IZMJENAMA I DOPUNAMA PRAVILNIKA O  
ODREĐIVANJU PRINUDNOG PREDSTAVNIKA  
ETAŽNIH VLASNIKA****Član 1.**

(Novi član 3a.)

U Pravilniku o određivanju prinudnog predstavnika etažnih vlasnika ("Službene novine Kantona Sarajevo", broj 30/17), iza člana 3., dodaje se novi član 3a., koji glasi:

**"Član 3a.**

(Zabrana podnošenja prijave na javni poziv)

- (1) Fizičko lice, koje je bilo na Listi kandidata koji mogu obavljati poslove prinudnog predstavnika etažnih vlasnika i koje je brisano sa iste, iz bilo kojih razloga, ne može podnijeti prijavu na javni poziv za Listu kandidata, u roku od pet godina, od dana brisanja sa Liste kandidata.
- (2) Ukoliko fizičko lice iz stava (1) ovog člana podnese prijavu na javni poziv za Listu kandidata, ista će biti odbačena kao nedopuštena."

**Član 2.**

(Izmjena i dopune člana 6.)

- (1) U članu 6. stav (3) iza riječi: "su", dodaje se riječ: "dopuštene".
- (2) Iza stava (5) dodaje se novi stav (6) koji glasi: "(6) Komisija odbacuje prijavu kandidata, koja je nedopuštena u skladu sa članom 3a. ovog pravilnika."
- (3) Dosadašnji st. (6), (7), (8) i (9) postaju st. (7), (8), (9) i (10).
- (4) U stavu (7) iza broja: "(4)" veznik: "i" zamjenjuje se "zarezom", a iza broja: "(5)" dodaju se riječi: " i (6)".

**Član 3.**

(Izmjena i dopuna člana 12.)

U članu 12. stav (1) tačka b) iza riječi: "bude" dodaju se riječi: "tri puta", a riječ: "prekršaj" zamjenjuje se riječju: "prekršaje".

**Član 4.**

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 05/03-23-37499/19  
17. oktobra 2019. godine  
Sarajevo

Ministar  
**Damir Filipović, s. r.**

**JAVNA USTANOVA SLUŽBA ZA  
ZAPOŠLJAVANJE KANTONA SARAJEVO**

Na osnovu odredaba Zakona o sukobu interesa ("Službene novine Federacije BiH", broj 70/08), člana 13. i 16. stav 1. alineja 1. Statuta Javne ustanove "Služba za zapošljavanje Kantona Sarajevo" Sarajevo (br. 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/16 od 27.06.2016. godine) i Zaključka Vlade Kantona Sarajevo, broj 02-05-11332-18/18 od 26.03.2018. godine, Upravni odbor na 6. sjednici, održanoj dana 29.10.2019. godine, donio je

**PRAVILNIK****O SUKOBU INTERESA JAVNE USTANOVE "SLUŽBA  
ZA ZAPOŠLJAVANJE KANTONA SARAJEVO"  
SARAJEVO****Član 1.**

(Predmet i svrha)

- (1) Pravilnikom o sukobu interesa Javne ustanove "Služba za zapošljavanje Kantona Sarajevo" Sarajevo (u daljem tekstu: Pravilnik) radi sprečavanja sukoba interesa i dosljedne primjene Zakona o sukobu interesa (u daljem tekstu: Zakon), uređuje se potencijalni sukob interesa i način postupanja u Javnoj ustanovi "Služba za zapošljavanje Kantona Sarajevo" Sarajevo (u daljem tekstu: Služba).
- (2) Svrha Pravilnika je unapređenje mjera za sprečavanje sukoba interesa u obavljanju poslova iz nadležnosti Službe, sprečavanje sukoba između privatnog interesa pojedinca koji obavlja javnu funkciju, odnosno poslove i zadatke radnog mjesta i interesa Službe kao javnog interesa, jačanje integriteta, objektivnosti, nepristrasnosti, transparentnosti i povjerenja građana u obavljanje poslova iz nadležnosti Službe.

**Član 2.**

(Osobe na koje se odnose odredbe o sukobu interesa)

- (1) U smislu Pravilnika, odredbe o sukobu interesa odnose se na direktora i radnike Službe.
- (2) Na predsjednike i članove Upravnog odbora, Nadzornog odbora i povremenih i stalnih radnih tijela i komisija imenovanih od strane direktora i Vlade Kantona Sarajevo ili drugih organa primjenjuju se odredbe Zakona.
- (3) U toku obavljanja funkcije na koju je imenovan, odnosno u toku obavljanja poslova i zadataka radnog mjesta, osobe iz stava (1) ovog člana ne smiju da dozvole da njihov privatni interes dođe u sukob sa javnim interesom.
- (4) Osobe iz stava (1) ovog člana dužne su da vode računa o stvarnom ili potencijalnom sukobu interesa i poduzmu sve mjere predviđene zakonom radi izbjegavanja sukoba interesa.

**Član 3.**

(Principi djelovanja)

Osobe iz člana 2. stav (1) Pravilnika dužne su:

- a) dosljedno se pridržavati odredbi Pravilnika, kao i zakonskih i drugih propisa kojima se uređuju njihova prava, obaveze i odgovornosti, kao i zakonskih i drugih propisa koje primjenjuju u obavljanju funkcije na koju je imenovan, odnosno u obavljanju poslova i zadataka radnog mjesta;
- b) postupati zakonito, efikasno, nepristrano, časno, te se pridržavati principa odgovornosti, poštenja, savjesnosti, otvorenosti i vjerodostojnosti;
- c) ponašati se savjesno i odgovorno, da ne ugrožavaju povjerenje građana;
- d) imovinu, sredstva za rad i finansijska sredstva koja su im povjerena koristite isključivo u svrhu za koju su namijenjena i na efikasan način;
- e) da vode računa o javnom interesu i ne smiju da djeluju na način koji ih dovodi u položaj obaveze vraćanja usluge nekom fizičkom ili pravnom licu.

**Član 4.**

(Definicija pojmova)

- (1) Sukob interesa postoji u situacijama u kojima osobe iz člana 2. stav (1) Pravilnika imaju privatni interes koji utiče ili može uticati na zakonitost, transparentnost, objektivnost i nepristrasnost u obavljanju njihove funkcije/poslova i zadataka, odnosno u kojima privatni interes šteti ili može šteti javnom interesu ili povjerenju građana.